

FAMILIA ERREALAREN DONOSTIARAKO ETORRERA

Oso goiz da jendea
Asiya mugitzen
Pozez gozozturikan
alkargana biltzen;
diruri gaur dirala
pena denak iltzen,
Eguzkiak dubela
geiago argitzen,
alegerantza baizik
ez baita arkitzen.

Gaur erriyak du beste
ichura bat artzen,
ari dira erramu
preskoak ezartzen,
ziririkuk, sutzeko
bizkarka ekartzen,
eta kurtiñak balkoi
guzietan jartzen;
erriyan erregeak
diralako sartzen.

Laster allegatuko
diran esperantzan,
soñulariak ere
or daude zalantzan;
sutunparik,¹ dunbaka

echeak balantzan
jartzeko, nola bronze
mingaindunak dantzan,
guziak buruzari
oen alabantzan.

Ongi betor famili
gure ongarriya,
berak onraz apaintzen
diguna erriya;
gure zer eskeñiya
izan naiz urriya,
erakutsi nairikan
naitasun berriya,
prest gaude egiteko
ongi etorriya.

Betor beso zabalak
dauzkaten errira,
betor Okendo jayo
izan zan urira,
betor Easo eder
lur choragarrira,
betor Euskal-erriko
zerucho berrira,
betor eta ez bedi
luzaroan jira.

RAMÓN ARTOLA.

(1) Artilleros.